

馮氏錦囊秘錄
卷六
元

亥 23
3747



卷六 頭痛頭風大小總論合參

頭重大小總論合參 頸項痛

方脈大頭病合參 方脈面熱而痛合參 附髮鬚病

方脈顙車病合參 兒科目病

兒科唇口病 方脈目病合參

兒科舌病 兒科喉病 方脈耳病合參

兒科齒病 方脈齒病合參 方脈喉病合參

頭搖大小總論合參

方脈雷頭風合參

方脈頭眩暈合參

兒科目病

方脈耳病合參

方脈喉病合參

眉眶骨痛大小總論

方脈頭眩暈合參

頭瘡 兒科

兒科鼻病

方脈鼻病合參

方脈唇口病合參

馮氏錦囊秘錄 卷六 元



馮氏錦囊秘錄雜症大小合參卷六

男 乾元龍田

海鹽馮兆張楚瞻甫纂輯

門人王崇志慎初全較

孫 大業功垂

頭痛頭風大小總論合參

經曰風氣循風府而上則爲腦風新沐中風則爲首風又
曰頭痛耳鳴九竅不利腸胃之所生總之頭爲諸陽之首
以象天六腑清陽之氣五臟精華之血皆會於頭爲至清
至高之處故爲天象謂之元首言其至尊不可犯也凡手
之三陽從手走頭足之三陽從頭走足以爲常度則無頭



南京中醫藥大學圖書館版權所有

痛之患。若外因風寒霧露之觸。內因痰火濕熱之熏。痛由
起矣。至於真頭痛者。其腦盡痛。而手足寒。且清至節。旦發
夕死。夕發旦死。蓋四肢爲諸陽之本。痛盡腦而寒至。節則
元陽虧敗。氣血虛極。陰邪直中髓海。於泥九宮中。非藥所
能愈。蓋其根先絕也。書又曰。腦爲髓海。受邪則死。多自食
穴。猛進大劑。參附亦有生者焉。

頭痛頭風。非二證也。在新久去留之分耳。淺而近者。名頭
痛。其痛卒然而至。易於解散。速安也。深而遠者。名頭風。其
痛作止不當。愈後遇觸復發也。手足三陽之脉。皆上循於
頭。爲諸陽之會。六陰脉至頸而還。惟厥陰上入吭。噪連目。

系出額。故當於七經辨之。屬痰者居多。然有風寒濕熱。痰及氣虛血虛。食鬱瘡毒之別。皆能傷於脉道。而為病也。傷於太陽則在後。陽明在額。挾鼻與齒。少陽兩角。厥陰屬巔頂。而多吐涎。須尋風尋火。在氣在血。晰其虛實。表裏。便得病情矣。

經之論頭痛風也。寒也。虛也。皆六氣相侵。與真氣相薄。經氣逆上。干於清道。不得運行。壅遏而痛也。天氣六淫之邪。人氣五賊之變。皆能相害。或蔽覆其清明。或瘀塞其經絡。與氣相薄。鬱而成熱。脉滿而痛。若邪氣稽留。脉滿而氣血亂。則痛乃甚。此實痛也。寒濕所侵。真氣虛弱。雖不相薄。成



熱然邪客於脉外。則血泣脉寒。捲縮緊急。外引小絡。面痛得溫則止。此虛痛也。因風痛者。抽掣惡風。因熱痛者。惡熱。因濕痛者。頭重而天陰轉甚。因痰痛者。昏重而然。因不休。因寒痛者。絀急而惡寒戰慄。氣虛痛者。惡勞。其脉大。血虛痛者。善驚惕。其脉芤。頭痛自有多因。古方必兼風藥者。以高巔之上。惟風可到。味之薄者。陰中之陽。自地升天者也。在風寒濕者。固爲正用。卽虛與熱者。亦假引經。且散其抑遏也。若疎散太過而痛。及服辛散而反甚者。不妨用酸收以降之。若年衰氣弱。清氣不能上升。而濁陰犯之。以作痛者。宜升陽補氣而自愈。若血虛之頭痛。必自眉尖

後近髮際而上攻頭目。宜用芎歸養血而自愈。然新而暴者。但名頭痛。深而久者。名爲頭風。頭風必害眼者。經所謂東風生於春。病在肝。目者肝之竅。肝風動則邪害空竅。且由精髓腦之不足。而外邪易干以深入也。厥頭痛者。手三陽之脉受風寒而伏留不去。上干於頭。致氣不循經隧而逆行。故名曰厥。

久頭痛病。畧感風寒便發。而至寒月重綿厚帕包裹者。此屬鬱熱本熱而標寒。世人不識。率用辛濫解散之藥。暫時得效。誤認爲寒。殊不知因其本有鬱熱。毛竅常疎。故風寒易入。外寒束其內熱。閉逆而爲痛。辛熱之藥。雖能開通閉。



逆散其標之寒邪。然以熱濟熱病本益深。惡寒愈甚矣。惟當瀉火涼血爲主。佐以辛溫散表之劑。以從治法治之。則病可愈而根可除也。

頭痛多主於痰。痛甚者火多。蓋火性炎上。其痛如劈。有生者可下者。東垣曰。濕熱在頭而痛者。當以苦吐之。如瓜蒂散。濃茶之類是也。痰厥頭痛。非半夏不能除。有屬於風者。有屬於寒者。有屬於半寒爲偏頭痛者。有屬於濕者。有屬於火鬱者。有屬於外感有餘。有屬於內傷不足。傷食傷酒種種症候。皆能頭痛。總由清陽不升。濁陰上犯也。

感冒頭痛。宜防風羌活藁本白芷。卽所謂新沐中風爲首。

風 風熱在上頭痛宜天麻蔓荊子台芎酒製黃芩 服

白人頭痛是氣虛宜黃耆酒洗生地南星 形瘦蒼黑之

人頭痛是血虛宜當歸川芎酒黃芩之類 太陽頭痛惡

風寒脉浮緊其痛在巔頂與兩額角川芎羌活獨活麻黃

之類爲主爲衝頭痛 少陽頭痛脉弦細往來寒熱其癩

連耳根柴胡黃芩爲主 陽明頭痛自汗發熱惡寒脉浮

緩長實其痛連目眦鼻乾齒頰目疼升麻葛根石膏白芷

爲主 太陰頭痛必有痰體重或腹痛或痰癖脉沉緩以

蒼朮半夏南星爲主 少陰頭痛足寒氣逆爲寒厥其脉

沉細麻黃細辛附子湯主之 厥陰頭項痛或度痰沫厥

冷其脉浮緩以吳茱萸湯主之然太陰少陰有身熱而無
頭痛厥陰有頭痛而無身熱若身熱又頭痛屬陽經也
血虛頭痛連魚尾相連者當歸川芎爲主以潤風燥經所
謂頭痛耳鳴九竅不利腸胃之所生也氣虛頭痛
黃芪爲主以升清陽經所謂上氣不足腦爲之不滿頭爲
之苦傾是也偏頭痛者少陽相火也有痰者多在左屬
風屬火多血虛宜薄荷荊芥川芎當歸在右屬痰屬熱多
氣虛宜蒼朮半夏酒芩爲主若屬濕痰川芎南星蒼朮主
之氣血俱虛頭痛調中益氣湯內加川芎三分蔓荊子
二分細辛二分其效如神厥逆頭痛者所犯大寒內至

骨髓髓者以腦為主。腦逆故令頭痛。腦亦痛。以羌活附子湯主之。腎虛頭痛。卽經所謂下虛上實。由相火上沖氣逆上行。痛不可忍。用補中湯加芎歸。或薑附理中。陰頭痛。必有痰也。少陰頭痛。足寒而氣逆也。太陰經雖不上頭。然痰與氣壅於膈中。頭上氣不得暢而爲痛也。痰厥頭痛。所感不一。發時惡心嘔吐痰水。甚則手足厥冷。吐去痰涎。其痛漸減。雖由乎痰。然痰之始也。必有本。是知方者。體也。法者。用也。徒知體而不知用者。弊若體用不失。可謂上工矣。宜以白朮半夏天麻湯主之。痰厥頭痛。非半夏不能除。眼黑頭旋。風虛內作。非天麻不能解。卒

人頭痛屬火與痰者多。若肥人多是濕痰。二陳加蒼朮。瘦多是血虛與火。酒炒芩連。荆防薄荷。芎歸之類。巔頂痛甚。加藁本。酒炒升柴。東垣曰。頂巔痛。須用藁本。去粗。頭痛不可專泥風藥。愈虛其虛。使風入於腦。永不可拔。亦不可偏於逐火。使風火上。乘空竅。而從眼出。如腐之風。火相煽而成衣焉。諺云。醫得頭風。瞎了眼。此之謂也。

總之頭痛頭風。皆因清陽之氣有虧。精華之血有損。不能交會衛護於首。以致濁陰外邪犯之。若從標疎散清理。不過徒取近功。然益虛其虛。旋踵愈甚。張每重用八味湯。加牛膝五味子。食前早晚服之。濁陰降。真陰生。雷火熄。真火

藏上下肅清不惟頭病既痊精神亦可倍長矣。

頭搖大小總論合參

頭搖者本屬於風。實因於火。經所謂諸風掉眩皆屬肝木。木得風則搖動。乃肝經火盛而生虛風也。故高年病後辛苦人多犯之。因氣血虛而火犯上鼓動也。是以小兒有病搖頭三年不止者。以河車入常服藥中而愈。靈樞曰。邪之所在皆爲不足。故上氣不足腦爲之不中耳。爲之苦鳴。頭爲之苦傾。目爲之眩。中氣不足溲便爲之變。腸爲之苦鳴。下氣不足則爲痿厥。

眉眶骨痛大小總論合參



眉眶骨痛有二、但屬肝經風熱與痰、或作風痰、其治類痛
風然、腦爲髓海、而腎主骨、多由腎陰不能養骨、髓少以致
腦虛、火起於中、寒束於外、疼之所始也、凡高骨之處、及眉
毛所生之地、皆屬本臟之精氣榮養、若其臟之精氣虧損、
則其地之毫毛骨肉不榮矣、故靈樞曰、足太陽之上、血氣
盛則美眉、眉有毫毛、由是觀之、眉眶骨痛者、此肝血既失、
其養而腎水亦不榮於骨矣、故主三年之內、有大風疾至、
明其根本既拔、而外邪乘襲也、治之者、必宜滋補肝腎爲
主、少佐風藥、以使上達、如不知此、徒以辛熱發散爲事、則
陰道愈虧、益增其害矣、

頭重大小總論合參

東垣曰、頭重如山、濕氣在頭也、紅豆散搐鼻、取之、蓋病在頭腦、若藥攻腸胃、是誅伐無過矣、故於鼻內取之、猶物在高巔之上、必用射而得之也。

頸項痛

邪客三陽則痛、寒搏則筋急、風搏則筋弛、左屬血、右多屬痰、丹溪治

之用二陳湯、加酒芩、羌活、紅花、服二劑而愈、有挫閃及生枕而項強痛者、皆由腎虛、不能榮筋也、六味地黃湯加秦

馬氏婦人必象雜症卷六

頸痛頭風諸方

七



菊花散 治風熱上攻頭痛不止

甘菊花

石膏

防風

旋覆花

枳殼

蔓荊子

甘草

羌活

各一錢五分

薑水煎服

紅豆散

治頭重

羌活

連翹

紅豆

二味等分爲末搐鼻

一方 治頭痛連眼痛 此風痰上攻須用白芷開之

川芎

白芷

防風

藁本

細辛

當歸

兩前芽茶

各等分

水煎服

不臥散

治頭痛不可忍者

方胡卒

五枚

青黛

二錢

猪牙皂角

脾實者胡去皮及子二兩



爲末水丸小餅子如杏仁大用時令病者仰臥以水化開竹管送入男左女右鼻中覺藥味至喉少酸令病者坐却以定銅錢一箇於當門齒上當見涎結成益卽愈

芎歸湯 治着濕頭痛身重眩暈痛極

附子 白朮 川芎 桂心 甘草 薑棗水煎服

順氣和中湯 治氣虛頭痛此藥升陽補氣自愈

黃芪 一錢 人參 一錢 甘草 炙七 白朮 陳皮 五分

當歸 芍藥 各五 升麻 柴胡 各三 細辛 分

蔓荊子 各二 川芎 水煎食後服

白歸湯 治血虛頭痛

頭痛頭風諸方

